

Kei te noho a Pita ki runga ki te papa ki te titiro ki te manu e rere tika mai ana ki runga rā. Me whakarongo ki te tangi o te manu. Te reka hoki! He pīpīwharauoa te manu. He manu nanakia, he manu rahi. Kei te rere mai te pīpīwharauoa ki te kōhanga o te riroriro. Ko te riroriro he manu kamakama, he manu pakupaku hoki. Kei te kuhu te pīpīwharauoa ki roto ki te nohoanga o te riroriro ki te whakaputa hua. Kei te maka hoki te pīpīwharauoa i te hua o te riroriro ki waho. Kei te rere atu te pīpīwharauoa. Kei te hoki mai te riroriro ki te kōhanga. Kei te tiaki te manu atawhai i te hua o te manu nanakia. Ka huri, ka huri, ka puta ki waho ko te manu pakupaku. Ka tipu rawa te manu pakupaku hei manu rahi. Ka tiaki tonu te riroriro i te manu, te hua o te pīpīwharauoa. Te pai hoki o te manu pakupaku, te manu atawhai nei.